

小倉山房文集

錢璵沙先生詩序 二十八卷

庚子秋璵沙先生執訊來曰子許序吾詩二十餘年矣  
今兩人俱年衰而吾詩適又編成子其償諾責哉余伏  
思先生不必以詩傳者也先生之詩又不必以序傳者  
也然而先生雖官尊雅好吟詩余少所伏膺獨嗜先生  
之詩在當時所以欲序而未遑者原擬積歲月工吾文  
以寫宣懿美而不意先生之詩日進而吾文日退則敢  
不就吾所能言者及今述之爲讀者先乎嘗謂千古文  
章傳真不傳僞故曰詩言志又曰修詞立其誠然而傳  
巧不傳拙故曰情欲信詞欲巧又曰神也者妙萬物而  
爲言古之名家鮮不由此今人浮慕詩名而強爲之既

離性情又乏靈機轉不若野氓之擊轅相杵猶應風雅  
焉先生之詩其神清其韻幽曲致而不晦于深直言而  
不墜于淺沈隱侯稱斯文如日月雖終古習見而光景  
常新陸魯望稱張承吉善題目佳境不可刊置別處此  
爲才子之最也能之者其先生乎先生立朝有風節仕  
外多惠政余疑其不屑爲詩以詞臣改臺諫司倉司關  
再司刑獄屏藩兩省走燕吳楚越蜀江閩海萬餘里余  
疑其不暇爲詩乃每落筆而乙乙拙思有專門名家所  
不能到者然後嘆曰太傅蘇玉局一流代不乏人而轉  
覺當年之房杜無詩李杜無官爲可惜也余半世山居  
視先生助高而望隆殊不相侔然垂髫時卽隨先生入

泮弱冠後追步詞垣晚年又同奉大耋親終養林泉五  
十年來數當時朋輩零落殆盡而此二人者猶能白髮  
如此各寄一編相悅以解相倚以傳嗚呼豈偶然哉昔  
白公與孔子論微言曰以水投水何如孔子曰淄澠之  
合易牙能嘗而知之余因讀先生之詩而愈有味乎聖  
人之語也

趙雲松甌北集序

晉溫嶠恥居第二流而雲松觀察獨自負第三人意謂探花辛巳而于詩則推伏余與蔣心餘二人故也夫以雲松之才之高而謙抑若是疑是譫語不足信今年以甌北集來索序擷之祇心餘數行而他賢不與焉然後知雲松于余果有偏嗜耶抑其詩別有獨詣之境已不能言他人不能言必假余與心餘代爲之言耶嘻余與心餘之詩之所以然俱不能自言也又烏能言雲松哉然去春過南昌心餘病握余手誣謗詩序一如雲松擷卷首一序并無然後知此二人者交滿海內而孤睨隻視惟余是好然則余雖衰殆不許其嘿嘿然竟以不言

已也。今夫越女之論劍術曰：妾非受于人也，而忽自有之。夫自有之者，非人與之，天與之也。天之所與，豈獨越女哉？以射與羿、奕與秋、聰與師曠、巧與公輸、勇與賁、育美與西施、宋朝之數人者，俱不能自言其所以異于衆也。而衆之人方且彎弓鬪棋、審音習斤、學手搏、施朱粉、窮日夜追之，終不克肖此數人于萬一者，何也？雲松之于詩目之所寓，卽書矣；心之所之，卽錄矣；筆舌之所到，卽奮矣。裨史方言、龜經、鼠序之所載，卽闌入矣。李衛尉之營陣隨處可置也，熊宜僚之九信手可弄也，而忽正忽奇，忽莊忽俳，忽沉驚，忽縱逸，忽叩虛而逞臆，忽數典而鬪靡，讀者游心駭目，碌碌然不可見，町畦或且覘磨。

摹宋千力萬氣以與之角。卒之騁驥追日未暮而日已在其前。所以然者又何也。嗚呼。此皆羿與秋師。曠公輸責育。西施。宋朝之所不能言。而惟越女能言之者也。余之爲雲松言者亦止此而已矣。或謂雲松從征西滇。官海南黔中。得江山助。故能以詩豪。余謂不然。世之行萬里。歷險艱者。或十倍焉。而無加於詩。如故也。或惜雲松詩雖工。不合唐格。余尤謂不然。夫詩寧有定格哉。國風之格不同乎雅頌。皋禹之歌不同乎三百篇。漢魏六朝之詩不同乎三唐。談格者將奚從善乎。楊誠齋之言曰。格調是空間架。拙人最易藉口。周櫟園之言曰。吾非不能爲何李格調。以悅世也。但多一分格調者。必損一分。

性。情。故。不。爲。也。玩。此。二。公。之。言。益。信。雲。松。之。所。以。長。處。  
余。不。能。言。雲。松。之。所。以。短。處。余。轉。能。言。之。此。卽。雲。松。之。  
所。以。謝。却。他。人。而。必。亟。亟。焉。以。詩。序。見。屬。之。本。意。也。



蔣心餘藏園詩序

作詩如作史也才學識三者宜兼而才爲尤先造化無才不能造萬物古聖無才不能制器尚象詩人無才不能役典籍運心靈才之不可已也如是夫然而自古清才多奇才少晉人稱謝邈清才宋神宗讀蘇軾文嘆奇才奇才才中分量又不可以十百計蔣君心餘奇才也癸酉過真州見僧舍題壁心慕之遂與通書後來金陵唱喁講討相得益甚去年余遊匡廬過君家君半體枯矣聞余至蹶然起力疾遮留手佗佗然授口吃吃然托曰藏園詩非先生序不可藏園者君所居園名也嗚呼君之初心豈欲以詩見哉及今病且老計無所復而欲

以詩傳可悲也。然君有所餘于詩之外，故能有所立于詩之中。其搖筆措意，橫出銳入，凡境爲之一空，如神獅怒蹲，百獸懾伏，如長劍倚天，星辰亂飛，鐵厚一寸，射而洞之，華嶽萬仞，驅而行之，目巧之室，自爲奧阼，袒而搏戰，前徒倒戈，人且羨且妬，且駭且却，走且訾，罄無不有也。然而學之者，非折脅卽絕臙矣，非壺哨卽鼓儼矣，故何也？則才之奇，不可襲而取也。雖然，君之奇，豈獨詩而已耶？君秀挺蘊立，目長寸許，聞忠義事，慷慨欲赴，趨人之急，若鷙鳥之發，恩鰥寡者，艾無所靳，諧笑縱謔，神鋒森然，其意態奇，初入京師，望之者，萬頸胥延，登玉堂，將速飛，忽不可于意，掉頭歸，其行止奇，不數年間，天子

屢問及之乃往供職卒浮沉不遷及召見將以御史  
用而君病甚不得已歸遇合尤奇嗟乎君之數奇豈其  
才之奇有以累之耶然使君竟不病竟不歸峩峩而升  
安知不躡青雲爲麟鳳之翔又安知不缺且折爲干將  
莫邪之傷今雖其官棄其身全殘于形不殘于神其名  
固以藏也取善刀而藏之之意宜也不知刀可藏詩不  
可藏周官之書藏山岩屋壁矣白傳之詩藏香山東林  
兩寺矣千百年來誦讀遍天下藏耶不藏耶同時趙雲  
松觀察服君最深適以詩來索序余老矣思附兩賢以  
傳遂兩序之而兩質之

碧腴齋詩存序

碧腴齋詩妹婿書巢作也。書巢之詩不得已而存焉者。也。書巢弱冠舉于鄉。從桂林來修婚。兄弟禮既見。卽別。別三十四年矣。聞其成進士。宰什邡。走川峽。再爲東諸侯。遷郡將。登臨于泰岱琅琊之罍。間凡一切大府艱巨。事皆所辦治。又性好交契。重然諾。廉俸朝入。饋遺暮盡。答四方箋奏。日春斗麵爲糊。五記室掌之。手腕欲脫。猶不能徧此。其希通慕大。豈肯以一吟一咏賓賓然作學子終哉。其所癖嗜。尤在于書署中。縹素山積。躬自排比。雖團圞所。猶手一編。拳拳不釋。今年秋。以詩集見寄。且曰。子爲我序而行之。嗚呼。吾今乃知書巢真欲以詩自

存矣。今夫孔雀負青天而飛，方將追鳳皇，儀虞廷，不自知其身有丹翠也。及其折清風而抃茫洋，無之則不覺自憐，其尾作吉光片羽之珍，使書巢當得意時，一日千里隆隆而升，必無暇爲詩，就使爲詩，不過編成于故吏門生之手，甘苦終難自知。乃書巢之于宦途也，若稱意若不稱意，莫益之或擊之，三仕之三已之年，垂六十髮蒼然而室蕭然，除骨肉妻孥外，只此一編與伴晨昏其理而存之也可喜也，尤可悲也。然世之寵榮赫耀十倍于書巢者，一旦聲漸影滅，沒世無稱其效亦歷歷可觀矣。天之厚書巢而使之有詩，書巢之能承天之厚之之意而能工于爲詩，皆所謂三公不易者也。其梓而公諸

天下也。奚疑哉。奚讓哉。惜余年衰不獲與書巢多相唱  
喝。以抒老懷。且喜書巢詩集之成。得于吾身親見之故。  
爲述其生平梗概。以見書巢之所以爲書巢者。別自有  
在原。不與富貴浮雲同爲留去者也。至于其詩之淵源  
得力處。諸序中申之甚詳。余不復贅。

錢竹初詩序

竹初明府爲少司寇錢文敏公之季弟生而嫺雅有仲容之姣傳其家學麗詞雲委余曩以清才目之尙未審其學之深力之宏也前年余還杭州讀其全集能破萬卷而總百家昔人云應瑒和不壯劉楨壯而不和竹初爲能兼之今年春余從天台歸竹初方宰鄞縣見餉古風二章修意修言進而愈上余方惜竹初以如是才宜登蘭臺上石渠咏歌昇平何屈于州郡之職爲梁敬叔所嘆哉乃其精思詣微若因簿領煩人而轉有進焉方信古之人誦詩三百授之以政政之道原息與詩通毳衣政嚴緇衣政寬皆于詩乎見之故曰詩者持也

持其性情使不暴去然後可以臨民。今人界詩與政而二之。詩之廢政之憂也。竹初之詩如是其政可知。且余嘗謂作詩之道難于作史何也。作史三長才學識而已。詩則三者宜兼而尤貴以情韻將之。所謂絃外之音味外之味也。情深而韻長不徒詩學宜然。卽其人之餘休後祚亦于是徵焉。東坡詩風趣多情韻少。晚年坎坷亦其証也。竹初音情頓挫使我誦之而憬然。不忍與之離。然則千秋萬世又誰誦之而忍與決捨哉。竹初晚景之榮。詩之傳俱無疑也。惜予老矣。自文敏公亡後。諸賢零落。無可與言。不圖遲暮重遇竹初。竹初之乞序于余也。余之序竹初也。豈徒稱引爲哉。區區甘苦亦欲備此數。



行。交。相。質。證。故。讀。其。集。勸。其。梓。以。行。世。而。倏。然。以。余。言。  
爲。之。先。焉。

童二樹詩序

嗚呼余束髮受詩交天下詩人多矣或先知之而後見之或先見之而後知之常也若相知三十年相訪數百里而卒不得一見以至于死者可不謂大哀乎雖然見其面不如見其詩何也面形骸也詩性情也性情得而形骸可忘則吾與山陰童君二樹是矣君有越中三子集行世丙子歲余讀而愛之無由得見今春忽托舟至值余浙行又不得見及冬初余往揚州就訪之則君死永不得見矣亡何吾鄉詩人周汾來曰先生知童君之願見先生更勝於先生之願見童君乎君矜嚴少所推許獨嗜先生詩利爲本朝第一病歿矣夢中幃呼

猶日望先生至揣其意蓋自知年命不長將以數千篇  
嘔肝擢胃之作就平生所心折者而証定之耳余感其  
意入哭寢門抱其集歸伏讀三日嘆曰君之詩惟我能  
知之亦惟我能序之今夫導官之擇米也已堅好矣必  
春揄揚簸使趨於鑿乃名侍御王所食也歐冶之鑄劍  
也取精鐵矣必千倅萬灌青氣旣極乃成干將帝所佩  
也君天資超絕又能轉輾書史烹煉烟墨窮高絕深播  
爲風騷此亦導官歐冶之故智也常恃其逸足往往奔  
放作七古題畫疊韻字韵百餘首藻思益湧與古梅槎  
枒同播風雲古之人古之人君奚讓哉惟是我兩人道  
合若是倘一握手罄胸中言當不知作如何懽怍而率

使錯午。磨轡此來彼去。如相避然。不獲半面。以抵於死。  
天耶。人耶。誰斬之耶。徒使我咨嗟涕洟。至今如有所負。  
而不能自克也。昔張堪臨終。以妻孥託朱季元微之病。  
命家人將詩集交白二十二郎。古人身後拳拳大慨如  
斯。然吾謂托妻孥易。托文字難。何也。妻孥之計。或十年  
或二十年。足矣。文字之計。動關百千萬年。尚無津涯。非  
精思請微。同歷苦甘者。曷能任之。余年垂七十。竊不自  
揆。謹取君集排比。分疏缺摘。英華得。卷共  
首。將明以示海內。而幽以質九原焉。嗚呼。童君不見之。  
見殆勝見耶。

何南園詩序

詩。不。成。于。人。而。成。于。其。人。之。天。其。人。之。天。有。詩。悅。口。能。  
吟。其。人。之。天。無。詩。雖。吟。而。不。如。其。無。吟。同。一。石。獨。取。泗。  
濱。之。磬。同。一。銅。獨。取。商。山。之。鐘。無。他。其。物。之。天。殊。也。舜。  
之。庭。獨。臯。陶。賡。歌。孔。之。門。獨。子。夏。子。貢。可。與。言。詩。無。他。  
其。人。之。天。殊。也。劉。賓。客。亦。云。天。之。所。與。有。物。來。相。彼。由。  
學。而。至。者。如。工。人。染。夏。以。視。羽。吹。有。生。死。之。殊。矣。何。子。  
南。園。生。而。與。詩。俱。來。者。也。雖。爲。秀。才。不。喜。制。藝。雖。讀。書。  
不。矜。博。覽。雖。爲。詩。不。事。馳。騁。其。志。約。故。邊。幅。易。周。其。思。  
專。故。性。情。易。得。居。秣。陵。城。闔。愔。愔。然。竹。籬。堊。垣。與。方。外。  
人。遊。憇。薄。醉。微。慵。雨。餘。風。停。有。愜。于。懷。一。付。于。詩。久。之。

而何子與詩亦兩相忘也。予往往見人之先天無詩而  
人之後天有詩。于是以門戶判詩。以書籍炫詩。以疊韻  
次韻險韻敷衍其詩。而詩道日亡。然則吾安得忘詩之  
人而與之言詩哉。若何子者。斯其人矣。

莊念農遺稿序

余老矣。世上事。百不經意。惟于友朋存歿之感。偶振觸焉。輒低徊留之。而不能自己。况平生所最暱。與常酬唱者哉。莊君念農。亡十餘年。其季子宸。選持詩二卷。索余爲序。嗚呼。君抱經世畧。鬱爲時用。僅官太守。中年而殂。又值天子四巡江南。以供張得名。終日瞿瞿然。心計手畫。微飢靡寧。不特其治民之才。有所未盡。卽吟咏之情。亦有所未已也。然資稟絕奇。雖單言片詞。必有天真溢流。篇什具存。徽徽可誦。惜君不自料其歿歿時。宸選尚幼。故詩多零落。近年遍覓于酒樓僧墻。親知故舊家。才得若干。其志可哀。而取也猶記。君好余詩。雖隆冬嚴

寒必呵手抄存積數寸許余或有遺忘必向君處借而証之今君詩散失而余當時未留善本代爲護持揆之古人先施之義不能無愧然則君之詩愈少而余之愧愈多矣揭揭焉就其少者而存之豈徒副宸選之求哉亦聊以補余過云爾



程綿莊詩說序

作詩者以詩傳說詩者以說傳傳者傳其說之是而不必其盡合于作者也。如謂說詩之心卽作詩之心則建安大歷有年譜可稽有姓氏可考後之人猶不能以字句之迹追作者之心矧三百篇哉不僅是也。人有興會標舉景物呈觸偶然成詩及時移地改雖復冥心追溯求其前所以爲詩之故而不得況以數千年之後依傍傳疏左支右吾而遽謂吾說已定後之人不可復有所發明是大惑已。相傳小序爲子夏所作古無明文卽果子夏所作亦未必盡合詩人之旨其他毛鄭皆可類推朱子有見于此別爲集解推其意亦不過據已所見羽

翼詩教啟發後人而並非禁天下好學深思之士以意  
逆志也。吾友程君綿莊爲詩說二卷其思深其義遠擗  
擗妙蘊皆前儒所未發。綿莊之于朱子也。卽朱子之于  
毛鄭也。師其意不師其詞。可謂善學朱子者矣。或者以  
爲詩人不作未能知其必盡合也。然詩人不作又何以  
知其必不盡合哉。

玉井寒蓮集序

乾隆壬申夏余與華陰令姚君同遊華山姚至青柯坪便止而余則勇進三里許覺巖壑巖絕氣奪而返忽忽三十稔矣今冬嚴道甫先生以玉井寒蓮集見寄所稱天井之阻犁溝之險搗嶺三辯之崔巍皆余昔未遊目者身既未臻語何能詳故爾時小有吟咏亦自覺無但而先生則如悍將追敵不掃其穴不休卒使山無剩境境無遁形危辭硬語凌暴莽蒼絕深者而出之揭隱者而明之以七尺軀三寸管與四千仞奇峯相爲假託嘻何其壯也夫安近者其耳目不周才細者其賦物不工無翼助者其舉趾不勇先生以沉鷺之性雕鑱之筆又

藉中丞畢公禱雨之便爲之召夫役具絙布以張之是  
始。嶽靈閭寂渴思文藻故暗中翕呼以相成就耶昔曹  
孟德謂楊修云我不及卿乃三十里余不及先生且數  
百萬丈匪徒才懸抑亦膽薄雖然余羸老也諒難再從  
先生補前遊之缺而讀此一編則古人所謂金精削成  
鳥猿愁視者一旦呈形獻狀於簷席間豈非才人咳唾  
遠勝眞靈位業圖哉唐賢羽皇周氏以到難命篇述所  
到之難也余謂所到不難到而能言之之爲難耳到而  
能言則不到者皆如到矣

隨園隨筆序

著作之文形而上考據之學形而下各有資性兩者斷不能兼漢賈山涉獵不爲醇儒夏侯建譏夏侯勝所學疎濶而勝亦譏其繁碎余故山勝流也考訂數日覺下筆無靈氣有所著作惟捃摭是務無能運深湛之思本朝考據尤盛判別同異諸儒麻起予敢披臆顏恰逐康成車後哉以故自謝不敏知難而退者久矣然入山三十年無一日去書不觀性又健忘不得不隨時摘錄或識大于經史或識小于稗官或貪述異聞或微抒己見疑信竝傳回冗不計歲月旣久卷頁遂多皆有資于博覽付之焚如未免可惜乃題隨園隨筆四字以存其

編。嘻。予。老。矣。自。此。以。往。假。我。數。年。有。所。觀。便。有。所。記。有。所。記。便。有。所。筆。此。書。之。成。吾。見。其。進。也。未。見。其。止。也。

子不語序

怪力亂神子所不語也。然龍血鬼車繫詞語之左止明親受業于聖人而內外傳語此四者尤詳厥何故歟。蓋聖人敬鬼神而遠之人教方立周易非取象幽渺不足以窮天地之變左氏恢奇多聞垂爲文章其理皆並行而不悖余生平寡嗜好凡飲酒度曲撈蒲可以接羣居之懽者一無能焉文史外無以自娛不得不移情于稗乘廣記尙矣。聯車夷堅二志缺畧不全聊齋志異殊佳惜太敷衍于是就數十年來聞見所及足以游心駭耳者編而存之非有所惑也。譬如嗜味者饜八珍矣而不廣嘗夫蚺醢葵菹則脾困嗜音者備咸英矣而不旁及

于侏、僂、僂、侏、則耳狹以妄驅庸以駭起情不有博奕者  
乎爲之猶賢是亦裨諲適野之一樂也昔顏魯公李鄴  
侯功在社稷而好談神怪韓昌黎以道自任而喜駁雜  
無稽之談徐騎省排斥佛老而好采異聞門下士竟有  
偽造以取媚者四賢之長吾無能爲役也四賢之短則  
吾竊取之矣書成卽以子不語三字名其篇



隨園食單序

詩人美周公而曰邊豆有踐惡凡伯而曰彼疏斯稌古  
之于飲食也若是重乎他若易稱鼎亨書稱鹽梅鄉黨  
內則瑣瑣言之孟子雖賤飲食之人而又言飢渴未能  
得飲食之正可見凡事須求一是處都非易言中庸曰  
人莫不飲食也鮮能知味也典論曰一世長者知居處  
三世長者知服食古人進饗離肺皆有法焉未嘗苟且  
子與人歌而善必使反之而後和之聖人于一藝之微  
其善取于人也如是余雅慕此旨每食于某氏而飽必  
命家廚往彼竈觚執弟子之禮四十年來頗集衆美有  
學就者有十分中得六七者有僅得二三者亦有竟失

傳者余都問其方畧集而存之雖不甚省記亦載某家某味以志景行自覺好學之心理宜如是雖死法不足以限生廚名手作書亦多出入未可專求之于故紙然能率由舊章終無大謬臨時治具亦易指名或曰人心不同各如其面子能必天下之口皆子之口乎曰執柯以伐柯其則不遠吾雖不能強天下之口與吾同嗜而姑且推已及物則食飲雖微而吾子忠恕之道則已盡矣吾何憾哉若夫說郛所載飲食之書三十餘種眉公笠翁亦有陳言曾親試之皆闕子鼻而蜚于口大半陋儒附會吾無取焉

嚴道甫侍讀五十壽序

余居山久矣于海內士夫不敢迎而距之也亦不敢迎而許之然未見輒相思與之言惟恐其去若是者三十年來胸中不過數人而道甫嚴君其一也君負萬夫之稟聰強絕人于學若泛海然探之莫窮其厓挹之必有所益其恢宏深沉往往流露于眉睫間意其仕于朝必有奇術異智爲人之所不能爲者而無如余年衰伏而不出君又未嘗自言則不得不以欽挹之懷徒相索于文字之末而已今年八月君五十生辰其子子進狀君事索文以壽君余讀之可喜可愕而于救羅公源浩事爲尤奇羅公者滇南監司也分償汪別駕帑金有詔

逾期卽誅羅繳不如數期過十日逾矣乃牒請弛限

天子命軍機大臣會刑部議之其時諸城相公主試禮  
闈秋曹無任其事者君時以內閣侍讀直機地因撾鼓  
入棘閤見諸城公曰羅事急矣第所追乃分償屬吏汪  
某帑也今汪已捐復將曳紱綬出都而羅乃駢首東市  
于義未協按法宜著汪某分繳以活羅命以昭公平諸  
城公曰具疏稿乎曰不具稿不敢見也振其袖而出之  
詞義明析諸城公喜卽畫諾奏聞天子是之羅獄遂  
解其他事多類此受恩人有請君像以祀者今夫梟俊  
之士習者慮明能者慮策尙矣然大槩已謀者多人謀  
者少縱有一二姝姝然號稱慈悲慈者又或無術以濟之

無勇以決之則亦不能迂其身以拯人于危若君者可  
不謂賢哉然君之視官職也甚淡其家居也甚靜兩持  
所生服卽乞病不起同僚或至方伯連帥而君絕無所  
欣人多疑君之嘿嘿藏身與其矯矯行義兩不相符豈  
眞賢者之不可測哉余曉之曰在易豫之六二曰介石  
不終曰貞吉此言自守之堅也夫子繫之曰君子知  
微知彰知柔知剛萬夫之望此言澤物之宏也兩者亦  
絕不相符也然夫子合而言之者何也蓋言有見幾之  
智有介石之操而後可以損剛益柔以澤萬物也使君  
非有恬退之懷輕視爵祿之意則闕入禁地豈無處分  
焉肯乞然挺身而往又非深知天子之聖相公之賢

亦必不肯爲無俚之舉。賢賢然向人白冤。君之嘿而當言而當進而宜退而宜。皆有見幾而作不俟終日之妙焉。惟深也故能通天下之志。惟幾也故能成天下之務。古惟留侯鄴侯能之。而君亦庶幾其近之矣。余平生不以文壽人。嫌其體之戾于古也。然大馬之齒于君有一日之長慮。不能爲傳志以揚君而性又樂道人之善。則姑擷其事之至大者。聲之以應公子之請。後之人知余集中有介壽之文者。蓋爲君始也。雖然有介壽之文而無期頤昌熾壽常祝嘏之詞。則自余始也。

胡勿厯時文序

古文者自言其言時文者學人之言而爲言自言其言以人所不能言而已能言爲貴學人之言亦以人所不能言而已能言爲貴夫至于學人之言而爲言似乎傳聲搏影而言人人同矣不知所學者何人也聖人也聖人之言聖人之心也能得聖人之心而后能學聖人之言得之淺者皮傳于所言之中而不足得之深者發明于所言之外而有餘孔子學周公者也孔子所言周公未嘗言孟子學孔子者也孟子所言孔子未嘗言周程張朱學孔孟者也周程張朱所言孔孟未嘗言時文者依周程張朱之言以學孔孟之言而實孔孟與周程張

朱皆未嘗言。然明諸大家學其言而言之矣。本朝諸大家又學其言而言之矣。言之肖與否。雖不能起數聖賢于九原而問之。而天下之人皆以爲肖。皆以爲聖人復起。不易其言。此四百年來時文之所以至今存也。胡先生學聖人之言。爲能深妙奇博。有直而致者。有曲而宣者。有澄其神詣微而索之者。有取材卷軸旁引曲証以光明之者。要于聖人之心不差累黍。嘻其至矣。或謂時文小道。不足以取士。不知天下事莫不有名焉。有實焉。如務其名乎。則古之鄉舉里選。卽今之時文也。古之策論詩賦。卽今之時文也。其無人焉一也。如按其實乎。則于時文觀心術。卽古之鄉舉里選也。于時文徵學識。卽



占之策論詩賦也。其有人焉一也。若胡君者可謂有人中之一人。雖然韓子稱聖人者時人之耳目也。吾以爲能學聖人之言以得聖人之心者亦時人之耳目也。胡君子聖人之心既先衆人而得之矣。顧墨墨然私諸已而秘之不肯以其言示天下可乎。然則君之編所作而而開雕之也非好名也亦韓子意也。

集中不存壽序及時文序此篇與嚴侍讀壽序俱破例而存之亦不免蹈歸熙甫之陋習云

自記

史閣部遺集跋

少宰彭公以明故閣部史道隣先生像并家書絕筆進  
呈 皇上蒙 上深許其忠賜題賜謚并裔孫開純感  
君恩懷祖德將 聖製及先生遺文開雕傳後而屬 枚  
爲跋 枚謹按夏禹封防風氏之臣成湯不徵巢伯之朝  
皆三代大聖人民人我之見扶植變倫非凡所及後世  
雖忠如文信國爲元祖深知而身後之恩禮無聞其他  
則袁粲除名韓通無傳者更不勝屈指矣獨先生殉節  
前明百數十年後遺像忽蒙 聖覽苦節忽蒙 聖褒  
遭逢之隆千秋獨殊然在當時先生自矢孤忠豈復有  
心希恩異代卽異代之恩亦未必爲先生所樂受而卒

之幽隱之光日炤之而愈明梅檀之氣風吹之而愈芬  
凡此者皆天也我皇上先天而天不違將假先生以  
立萬世人臣之式故不吝洋洋聖謨而嘉嘆之又寵  
宣之亦豈欲前代之臣銜恩地下哉世之爲臣子者得  
是綱而雜誦之可以觀可以興矣

德山公手書詩卷跋

嗚呼此吾師德山先生之手迹也先生開府桂林枚才  
弱冠以八千里外諸生蒙國士之知館餼三月代爲治  
裝薦博學鴻詞入都雖廷試報罷而從此名聲起公卿  
間遂得登館閣擁吏卒走數州今當不親學之年息影  
蓬廬百事屏棄惟省記平生知己欽欽在抱逢北人來  
必問先生墓所及其後嗣而息耗杳然今年季夏盧存  
齋太守見訪道是先生第三婿因得見先生手書立幅  
墨瀟淋漓彷彿二王家法疑先生在天靈爽必欲一見  
白髮門生故藉此數行俾女夫傳到耶紙尾紀元乾隆  
丙辰正枚受知歲也四十三年來世事遷變何可紀核

而此一箋者獨完善如初若有神物阿護嗚呼豈偶然哉詩多見道之言神韻高淡又想見撫身九年政簡融清光景似此公卿何可再得願盧氏世世萬子孫其實藏之

所好軒記二十九卷

所好軒者袁子藏書處也袁子之好衆矣而胡以書名  
蓋與羣好敵而書勝也其勝羣好奈何曰袁子好味好  
色好葺屋好遊好友好花竹泉石好珪璋彝尊名人字  
畫又好書書之好無以異于羣好也而又何以書獨名  
曰色宜少年食宜饑友宜同志遊宜晴明宮室花石古  
玩宜初購過是欲少味矣書之爲物少壯老病饑寒風  
雨無勿宜也而其事又無盡故勝也雖然謝衆好而暱  
焉此如辭狎友而就嚴師也好之僞者也罪衆好而從  
焉如賓客散而故人尚存也好之獨者也昔曾皙嗜羊  
棗非不嗜膾炙也然謂之嗜膾炙曾皙所不受也何也

從人所同也。余之他好從同而好書從獨。則以所好歸書也。固宜。余幼愛書。得之苦無力。今老矣。以俸易書。凡清秘之本。約十得六七。患得之又患失之。苟患失之。則以所好名軒也。更宜。

散書記

乾隆癸巳 天子下求書之詔余所藏書傳抄稍希者  
皆獻大府或假賓朋散去十之六七人卹然若有所疑  
余曉之曰天下寧有不散之物乎要使散得其所耳要  
使于吾身親見之耳古之藏書人當其手抄縑易侈侈  
隆富未嘗不十倍于余然而身後子孫有以論語爲薪  
者有以三十六萬卷沉水者牛宏所數五阮言之慨然  
今區區鉛槧得登 聖人之蘭臺石渠爲書計業已幸  
矣而且大府因之見功賓朋因之致謝爲予計更幸矣  
不特此也凡物恃爲吾有往往度置焉而不甚研閱一  
旦離然欲別則鄭重審諦之情生予每散一帙不忍決



捨必窮。日夜之力。取其宏綱巨旨。與其新奇可喜者。腹  
存而手集之。是散于人。轉以聚于已也。且夫文滅質。博  
溺心。寡者衆之所宗也。聖賢之學。未有不以返約爲功  
者。良田千畦。食者幾何。耶。廣廈萬區。居者幾何。耶。從來  
用物。宏不如取精。多刪其繁蕪。然後迫之以不得不精  
之勢。此予散書之本志也。

散書後記

書將散矣。司書者請問其目。余告之曰。凡書有資著作者。有備參考者。備參考者。數萬卷而未足。資著作者。數千卷而有餘。何也。著作者。鎔書以就已。書多則難參考者。勞已以徇書。書少則漏著作者。如大匠造屋。常精思于明堂奧區之結構。而木屑竹頭。非所計也。考据者。如計吏持籌。必取証于質劑契約之紛繁。而圭撮毫釐所必爭也。二者皆非易易也。然而一主創。一主因。一憑虛而靈。一核實。而滯一恥言。蹈襲一專事。依傍一類勞心。一類勞力。二者相較。著作勝矣。且先有著作。而後有書。先有書。而後有考据。以故著作者。始于六經。盛于周秦。

而考据之學則自後漢末而始興者也。鄭馬箋註業已  
回冗其徒從而附益之。抨彈踳駁彌彌滋甚。孔明厭之  
故讀書但觀大畧。淵明厭之故讀書不求甚解。二人者  
一聖賢一高士也。余性不耐雜竊慕二人之所見而又  
苦本朝考据之才之太多也。蓋以書之備參考者盡  
散之。

洞庭徐氏重修始祖吉卿公墓碑記

徐君西圃邀予遊西洞庭授館其家因得瞻其棠里宗祠棟宇隆赫栗主森布皆合族所儻然共力而西圃弟禮珍所營治者予不覺心儀徐氏多賢而嘉其門風之足爲天下式也遊于野見頽垣中古樹蓊鬱氣葱葱若兆域然西圃曰嘻此始祖吉卿公之墓也吉卿公諱壽宋乾道間爲平江太守能奪金人詔書爲孝宗所重卒後其子大本感古人隨葬爲達之義卽合窆其母夫人于是而子孫附焉予往拜墓下一塚土七百餘年風雨頽侵無畢如鬲如之象矣予因謂西圃曰檀弓雖云古不修墓而周禮有墓大夫之職南齊劉彪以不修墓貶

官然則復土樹欒似亦仁人孝子所不宜得已者也越翼日禮珍來肅予而請曰修墓之事先生命之今如命矣卽煩先生記之予思古人營寢廟所以妥先人之靈崇馬鬣所以寧先人之魄孝子求神于陽求神于陰二者能兼可謂知禮徐氏以予一言齊其心謬然歛袂而興聞義能徙誠可嘉尚而予以遊故得拜先賢祠墓并從與後嗣增其堂防觀美是因遊而有所得于遊之外者也善哉遊也爲記其壠域丈尺券臺廣狹昭穆位次宰樹若干勒諸石俾徐氏子孫隆基養本罔堙替焉

銅陵永濟橋記

濟人於水者舟。濟人於陸者橋。舟之用濟百十人而止。橋之用濟千萬人而未止。木橋之用濟百十年而止。石橋之用濟千萬年而未止。若是乎濟人之中亦有大小久暫之分焉。銅陵陶村三溪會流綿亘六十里行者有揭厲之虞。土人經五板渡臨流岷木道雖行而日炙雨淋勢易顛。隋蔣君約齋行義素高將裒家資創易石之謀功未竟以歿。其子廷爵與其弟憲章踵而行之。以某年月日興工。某年月日橋成。凡長十丈濶一丈有奇。費金若干。邑之人僮僮然車輦馬駢萬趾魚貫以達于莊。達一切夫錢物價蔣獨任之不借助于將伯。余按國語

單襄公適陳。因輿梁。不修。知陳之衰。孟子譏子產。以乘輿濟人。惠而不知爲政。彼皆君大夫也。操任事之權。猶不能賦工屬役。爲所當爲。而蔣氏父子兄弟。獨能繼繼承承。濟人于久遠。此豈徒其仁可嘉哉。其孝亦加人一等矣。余白下羈客也。未至陶村。因蔣氏孫嘉猷受紫門下狀其事。索文故爲記。其顛末且名其橋曰永濟。俾銅陵人之世世來往于此橋者。一舉踵一曳屨而毋忘所自。

榆莊記

凡園近城則囂遠城則僻離城五六里而遙善居園者必于是矣揚州撫松主人有榆莊城外遊者約炊五斗黍許卽詣其所乾隆庚子春主人招余同往門外白榆歷歷始悟命名之意堂三楹署曰城南別墅栽鼠姑花循堂而右爲無隱樓再右爲同春閣樓下植桂閣上望遠江南諸山可坐而致也東有薜荔窺髮號翠微深處竹猗猗者號此君軒架石棧曲榭紆回以達于梅亭而遠見耕氓者一號寒手亭一號小滄浪其菜圃成削窰宦蔽虧而宜于冬者號雲窩爲孤邪墜約以通小池者號魚樂國此園中卽景分名之大概也是日酒半巡主



人索余爲記余思揚州古稱信土左思所謂繁富夥夠處也又孔穎達云揚州人性輕揚故曰揚州因之爲園者靡不百拱千櫨以爲勝抗虹翼綺以爲華而且所與遊者非高軒引嚶卽豪士投荒其爲魚鳥所嗤業已久矣獨撫松主人道韻平淡朴角不斲素題不斲除一二幽人憇息外雖顯貴挾勢以臨之卒色然而拒守園如守身有古人鑿坏闢土之遺風罔將隱焉用文之哉然而余羸老也路隔一江未卜何時再到性又善忘勝景過目少縱卽逝矣書以珍之不如記以存之雖微主人誣諉亦必纂梗槩爲卧遊張本而况二人之趣甚同交甚狎耶其時偕遊者一爲孫君芝亭一爲汪君芝圃

余戚也。合、牽、連、得、書。

重修南捕通判廳壁記

代弟香亭作

嘗讀孫可之書褒城驛歎官舍常新振古爲難矧今之通判權輕而俸薄士大夫之履斯任而郵驛視之也亦宜雖然不有署何有官不有官何有政腹擊爲室而鉅曰以安民也叔孫昭子所到雖一日必葺其牆屋古之君子于私居之舍猶矜矜然鄭重將之而况懷印曳紱將呼唱于堂皇以治事者乎庚子春余承乏江寧南捕之職入其門與草滿焉行其庭菜廬墜焉考之府志缺不載也詢之老氓杳不知也相傳署本前明監司舊居頽圯已久乾隆壬辰前任密公葺向西三舍以寧其孥此外承塵搏壁日就顛隤幾無容膝處矣余不得已請

于大府命隸須材工屬役慮事量功甃砌塗墍凡成堂  
樓庖湍賓館丙舍五十九處費金九百有奇支廉俸也  
益之以三百有奇捐私財也一時過客來遊者靡不豪  
余所爲余笑告之曰余惟不豪于官故豪于屋耳夫外  
任閒曹有閒于通判者乎使急于進取者居之方決捨  
之不暇何肯僭然造作哉惟余之性拙而才疎官于是  
卽安于是將盡臣職而報君恩亦未嘗不在于是然  
則公舍也卽私舍也人居也如已居也揀之築之苟美  
苟完吾已乎哉園之西有水有石有古柳有高梧猶人  
有美質而未學鋤理出之亦足小寄情賞功旣成爲文  
以記其梗槩而意有未竟乃爲之歌曰日之斜兮吏散

衙。兮。棘。茨。旣。剪。樹。槎。枒。兮。通。判。何。判。盍。判。花。兮。公。事。餘。  
兮。步。庭。除。兮。小。池。旣。清。水。渠。渠。兮。南。捕。何。捕。盍。捕。魚。兮。  
勿。懈。當。官。勿。侵。事。權。施。于。有。政。作。造。屋。觀。平。水。置。桺。表。  
正。形。端。後。賢。定。笑。雍。之。言。然。

重修中和道院碑記

人。但知道教無爲不知。惟有爲也。而後可以無爲有爲者。勇猛精進。所以成天下之務也。無爲者。幽深元妙。所以研天下之幾也。務之不成。幾于何有。班固之言曰。道家者。流清虛以自守。卑弱以自持。及放者爲之。則曰。獨任清虛。可以爲治。夫但言清虛之守。而不言創造之功。此道法所以不振也。古之人。相馬以興。相士以居。興與居。尙不可苟。况真靈之所棲。符籙之所藏。而可遽廬視之乎。吾家月渚道人。深契此旨。前年持湯文正公手書。道院碑記。屬余爲跋。今年又以重修道院狀。屬余爲記。按院始於洪武初。歷歲四百。興廢屢矣。本朝自薛文

憲莽治後王沈二公又繼志焉星霜旣移改剝旋生月  
渚纂其師退庵公餘業尺營寸度積累成功安神則有  
眞武神武桂香三殿尊祖則有柏庭濬寧迎暉聽雨諸  
舍踵舊者改朗吟閣爲敬畏堂是也新增者雨蕉書屋  
卧雪廬是也其他爲著爲陳爲庖爲溜爲蒲牢爲法鼓  
爲長床重櫨爲央賣園豬爲鎡壇之宮爲麗譙之所靡  
不精心致思叩分殊事地則黜之牆則聖之度筵而堂  
建度几而室立落成後增榮益觀邦之人咸值儼然响  
轉以遊葉拱以敬喜非月渚才之敏心之堅何能如是  
昔王荆公作龍興講舍記羨浮屠慧禮之能以爲此失  
而彼得焉似若閔儒而如墨者不知周孔之教以開物

成務爲貴。月渚爲吾宗。六俊公後裔。通儒書。耽吟咏。以  
幼病。故習靜院中。是蓋先有得於此。而後旁通於彼者  
也。其索記也。豈好名哉。亦欲留此規模。俾後之人。肯堂  
肯構。踵而行之。庶幾無形之道。教藉有形之道。院而永  
永。無極焉。貞石有靈。亦當鑒其志矣。



遊仙都峯記

或告余曰子從雁宕歸則永嘉之仙岩縉雲之仙都峯均可遊焉余謹識之悞記仙岩爲歸途之便舟行十里方詢土人曰南北殊路矣心爲缺然及至縉雲以仙都謀之邑宰有難色以溪漲辭余遂絕意于遊行三十里止黃碧塘曰已映壁前村瓦屋鱗列從隸曰此虞氏園也盍往小憇如其言園主迎入茗飲未暇深語仍還旅店將弛衣眠聞門外人聲嘈嘈則虞氏昆季曰別後見名紙先生卽袁太史乎曰然乃手燭上下照喈且駭曰我輩幼讀先生文以爲國初人年當百數十歲今神采若斯是古人復生矣願須臾留明日陪遊仙都余未及

答而少者。捲帳長者。捧席家僮。肩行李已。至其家。折墜。張飲。次日。廚具。僕里具車。導入。响岩石洞。隆然。叩之。應聲。有小赤壁。有鼎湖草。樹。岫高。不可上。仙榜。岩。雉。堞。橫排。可書。數百。姓名。賜谷。爲溪水。所。囓。非梯。莫登。僅遙。矚于。大方石上。有宋嘉定。磨厓。及王十朋。詩。約畧。可識。未一日。而仙都之遊。畢。仍宿。虞氏家。嘻。是遊也。非虞氏。主之。則仙都。不可遊。非從隸。有請。則不詣。虞氏。非日。尚晏溫。或有雨。則從隸。雖請。亦不往。非具生紙。以名通。則虞氏。亦不知。我爲何人。我之當遊。仙都。仙都之當爲我。遊天也。非人也。然仙若咫尺。可遊。而于意外。失之。仙都。心已決。捨萬不能遊。而于意外。得之一遊也。無大關。

而世事之舛午如是其他何可類推哉亟記之以志遭逢之奇以表虞氏好賢之德主人名沅字啟蜀爲唐永興公之後人

遊黃龍山記

壬寅四月余遊天台雁宕畢遊處州之黃龍山山皆礫  
礫大圓石坻伏鬱堙各相踰藉類東魯嶧山與台宕絕  
異人疑造物矜奇乃爾予曉之曰此豈造物者之有意  
爲哉使有意爲之必不能成如是形就成如是形亦不  
能有此奇變惟其氣化推遷偶然而生適然而成正恐  
造物者有意不爲之而反有所不能何也余幼時嬉戲  
好置水盂鎔錫投之沸然有聲俄而立者蹲者卧者疊  
爲架倚者巨而宏者碎且雜者欹側而斜橢者若相鬪  
又相悅者蓋無弗備焉其狀則爲獅爲象爲龍爲馬爲  
雞蟲雜物爲華嶽嵩岱諸名勝亦無不備焉是豈余之

有意爲哉。其傾之于水也。余之所知也。其成如是形也。非余之所知也。問之錫。錫不知。問之水。水亦不知。山之。道何獨不然。當元黃未判時。元氣茫茫。山水土沙。鎔爲一片石。如柔乳。靡和其間。一旦天浮地沉。沙飛水歸。風從而蕩。揉之星橫于天。石橫于地。詭狀殊形。或開闢卽露。或俟後人搜爬。始露。歷年愈久。蘊畜愈厚。山形愈奇。今人見山頂有舡。有匣。有屋。有朽。櫟此豈真有人焉。飛上置之哉。所以然者。職此之由。惜人形體小。年壽促。後天地生。先天地亡。不能坐而待之。瞭然視之耳。然其理不過如是。或曰。是山說也。非山記也。于黃龍何與。曰。舉一隅可知。三隅并可知。千百萬隅。余因遊黃龍而憬然。

有悟故揭所見以書之。且遊台宕俱有詩。遊黃龍無詩。記之所以代遊黃龍之詩也。

浙西三瀑布記

甚矣造物之才也。同一自高而下之水，而浙西三瀑三異。卒無複筆。王寅歲，余遊天台山，梁四面峯者，歷屨重者，巖隙皆環梁，遮迴梁長二丈，寬三尺許，若鰲脊跨山腰，其下嵌空，水來自華頂，平疊四層至此會合，如萬馬結隊穿梁，狂奔。凡水被石撓，必怒怒必叫號，以易落千尺之勢，爲羣礫所攔，挺自然拗怒鬱勃，喧聲雷震，人相對不聞言語。余坐石梁，恍若身騎瀑布上，走山脚仰觀，則飛沫濺頂，目光炫亂，坐立俱不能牢，疑此身將與水俱去矣。瀑上寺曰上方，廣下寺曰下方，廣以愛瀑故，遂兩宿焉。後十日至雁宕之大龍湫，未到三里外，一疋

練從天下。恰無聲響。及前諦視。則二十丈以上。是瀑。二十丈以下。非瀑也。盡化爲烟。爲霧。爲輕綃。爲玉塵。爲珠屑。爲琉璃。絲爲楊白花。旣墜矣。又似上升。旣疎矣。又似密。纖風來。搖之飄散。無着。日光照之。五色旖麗。或遠立而濡其首。或逼視而衣無沾。其故由于落處太高。崖腹中窪絕無憑藉。不得不隨風作幻。又少所抵觸。不能助威揚聲。蛟石梁絕不相似。大抵石梁武龍湫。文石梁喧龍湫。靜石梁急龍湫。緩石梁衝盪。無前龍湫如往而復。此其所以異也。初觀石梁時。以爲瀑狀。不過爾爾。龍湫可以不到。及至此。而后知耳目所未及者。不可以臆測也。後半月過青田之石門洞。疑造物雖巧。不能再作。



猶矣乃其瀑在石洞中如巨蚌張口可吞數百人受瀑  
處池寬畝餘深百丈疑蛟龍欲起激盪之聲如考鐘鼓  
于壑內此又石梁龍湫所無也昔人有言曰讀易者如  
無詩讀詩者如無書讀詩易書者如無禮記春秋余觀  
于浙西之三瀑也信

遊黃山記

癸卯四月二日余遊白嶽畢遂浴黃山之湯泉泉甘且冽在懸崖之下夕宿慈光寺次早僧告曰從此山逕仄險雖兜籠不能容公步行良苦幸有土人慣負客者號海馬可用也引五六壯佼者來俱手數丈布余自策蹻老乃復作襁褓兒耶初猶自強至憊甚乃縛跨其背于是且步且負各半行至雲集路絕矣躡木梯而上萬峰刺天慈光寺已落釜底是夕至文殊院宿焉天雨寒甚端午猶披重裘擁火雲走入奪舍頃刻混沌兩人坐辨聲而已散後步至立雪臺有古松根生于東身仆于西頭向于南穿入石中裂出石外石似活似中空故能伏

園其中而與之相化又似畏天不敢上長六十圍高無二尺也他松類是者多不可勝記晚雲氣更清諸峰如兒孫俯伏黃山有前後海之名左右視兩海竝見次日從臺左折而下過百步雲梯路又絕矣忽見一石如大鰲魚張其口不得已走入魚口中穿腹出背別是一天登丹臺上光明頂與蓮花天都二峰爲三鼎是時天風撼人不可立幸松針鋪地二尺厚甚軟可坐晚至獅林寺宿焉趁日未落登始信峰峰有三遠望兩峰夾峙遙視之尚有一峰隱身落後峰高且險下臨無底之溪余立其巔垂趾二分在外曾懼挽之余笑謂墜亦無妨問何也曰溪無底則人墜當亦無底飄飄然知泊河

所縱有底亦須許久方到儘可須臾求活惜未擊長繩  
絕精鐵量之果若干耳僧大笑次日登大小清涼臺  
臺下峰如筆如矢如笋如竹林如刀戟如船上桅又如  
天帝戲將武庫兵仗布散地上食頃有白練繞樹僧喜  
告曰此雲鋪海也初濛濛然鎔銀散綿良久渾成一片  
青山羣露角尖類大盤凝脂中有笋脯醢現狀俄而離  
散則萬峰簇簇仍還原形余坐松頂苦日炙忽有片雲  
起爲蔭遮方知雲有高下迥非一族蒲蘿往西海門觀  
落日草高于人路又絕矣喚數十夫芟夷之而后行東  
峰屏列西峰插地怒起中間鶻突數十峰類天台瓊臺  
紅日將墜一峰以首承之似吞似捧余不能冠被風掀

落○不○能○襪○被○水○沃○透○不○敢○杖○動○陷○軟○沙○不○敢○仰○慮○石○崩○  
壓○左○顧○右○睨○前○探○後○矚○恨○不○能○化○千○億○身○遂○峰○皆○到○當○  
海○馬○負○時○捷○若○猱○猿○衝○突○急○走○千○萬○山○亦○學○人○奔○狀○如○  
潮○湧○俯○視○深○阮○怪○峰○在○脚○底○相○待○倘○一○失○足○不○堪○置○想○  
然○事○已○至○此○惴○慄○無○益○若○禁○緩○之○自○覺○無○勇○不○得○已○托○  
孤○寄○命○憑○渠○所○往○覺○此○身○便○已○羽○化○淮○南○子○有○膽○爲○雲○  
之○說○信○然○初○九○日○從○天○柱○峰○後○轉○下○過○白○沙○江○至○雲○谷○  
家○人○以○肩○輿○相○迎○計○步○行○五○十○餘○里○入○山○凡○七○日○

遊廬山黃厓遇雨記

甲辰春將遊廬山。星子令丁君告余曰：廬山之勝，黃厓爲最。余乃先觀瀑布，開先寺畢，卽往黃厓。厓仄而高，篳與升奇，峰重累如旗鼓。戈甲從天上擲下，勢將壓已，不敢仰視。貪其奇，不肯不仰視。屏氣登巔，有舍利臺正對香爐峰。又見瀑布如夏友，再逢雖百見不厭也。旋下行至三峽橋，兩山夾溪水從東來，巨石阻之。小石尼之，怒號噴薄，橋下有宋祥符年碣，諦視良久。至棲賢寺宿焉。次日聞雷已而晴，乃往五老峰。路漸陡行五里許，回望彭蠡湖，帆竿排立已所坐舟隱隱可見。正徘徊間大雨暴至，雲氣全湧人對面，不相識。輿夫認雲作地，踏空欲

墮者屢矣。引路里保避雨遠竄大聲呼杳無應者天漸  
昏黑雨愈猛不審今夜投宿何所與夫觸石而顛余亦  
仆幸無所傷行李愈沾濕愈重擔夫呼暑家僮互相怨  
尤有泣者余素豪至是不能無悸踣良久猶臨絕壑  
忽樹外遠遠持火者來如陷黑海見神燈急前奔赴則  
萬松菴老僧曳杖迎喟曰相待已久惜公等誤行十餘  
里矣燒薪燎衣見屋上插柳方知是日清明也次日雪  
冰條封山觸履作碎玉聲望五老峰不得上轉身東下  
行十餘里見三大峰壁立溪上其下水潺潺然余下車  
投以石久之寂然想深極故盡數十刻尚未至底耶旁  
積石礎碎瓦礫無萬數疑卽古大林寺之舊基與夫曰

不然此石門澗耳。余笑謂霞裳曰：考據之學，不可與興夫爭長。姑存其說，何害？乃至天池觀鐵瓦，就黃龍寺宿焉。僧告余曰：從萬松菴到此，已陡下二千丈矣。問：遇雨最險處，何名？曰：犁頭尖也。余五年遊山，皆樂惟此行也。苦特志之。



遊丹霞記

甲辰春暮余至東粵聞仁化有丹霞之勝遂泊五馬峰  
下別買小舟沿江往探山皆突起平地有橫皺無直理  
一層至千萬層縮閣不斷疑嶺南近海多螺蚌故峰形  
亦作螺紋耶尤奇者左窓相見別矣右窓又來前艙相  
見別矣後艙又來山追客耶客戀山耶舛午悄恍不可  
思議行一日夜至丹霞但見絕壁無蹊徑惟山脅裂一  
縫如斜鋸開人側身入良久得路攀鐵索升別一天地  
借松根作坡級天然高下絕不滑履無級處則鑿崖石  
而爲之細數得三百級到闌天門最隘僅容一客上橫  
鐵板爲啟閉一夫持矛鳥飛不上山上殿宇甚固甚宏

潤鑿厓作溝引水僧厨甚巧有僧塔在懸厓下厓張高  
幕吞覆之其前羣嶺環拱如萬國侯伯執玉帛來朝間  
有豪牛醜犀犁軒幻人鴟張蠻舞者余宿靜觀樓山千  
仞銜窓而立壓人魂魄夢亦覺重山腹陷進數丈珠泉  
滴空枕席間琮琤不斷池多文魚泳游余置筆硯坐片  
時不知有世不知有家亦不知此是何所次日循原路  
下如理舊書愈覺味得立高處望自家來蹤從江口到  
此蛇蟠蚓屈縱橫無窮約百里而遙倘用鄭康成虛空  
鳥道之說拉直綫行則五馬峰至丹霞片刻可到始知  
造物者故意頓挫作態文章非曲不爲功也第許觀太  
陡不能無憚乃坐石磴而移足焉僧問丹霞較羅浮何

如余曰羅浮散漫得一佳處不償勞丹霞以適警勝矣  
又問無古碑何也曰雁宕開自南宋故無唐人題名黃  
山開自前明故無宋人題名丹霞爲國初所開故并  
明碑無有大抵禹迹至今四千餘年名山大川尙有屯  
蒙未闢者如黃河之源元始探得此其證也然卽此以  
觀山尙如此愈知聖人經義更無津涯若因前賢偶施  
疏解而遽欲矜矜然闡禁後人不許再參一說者陋矣  
妄矣殆不然矣

峽江寺飛泉亭記

余年來觀瀑屢矣。至峽江寺而意難決。捨則飛泉一亭爲之也。凡入之情。其目悅其體不適。勢不能久留。天台之瀑離寺百步。雁宕瀑旁無寺。他若匡廬若羅浮若青田之石門瀑。未嘗不奇。而遊者皆暴日中。踞危崖。不得從容以觀。如傾蓋交。雖懼易別。惟粵東峽山高。不過里許。而磴級紆曲。古松張覆。驕陽不多過。石橋有三奇樹。鼎足立。忽至半空。凝結爲一。凡樹皆根合而枝分。此獨根分而枝合。奇已。登山大半。飛瀑雷震。從空而下。瀑旁有室。卽飛泉亭也。縱橫丈餘。八窓明淨。閉窓瀑聞。開窓瀑至。人可坐。可臥。可箕踞。可偃仰。可放筆研。可滌茗置

飲以人之逸待水之勞取九天銀河置几席間作玩當時建此亭者其仙乎僧澄波善奕余命霞裳與之對枰于是水聲棋聲松聲鳥聲參錯竝奏頃之又有曳杖聲從雲中來者則老僧懷遠抱詩集尺許來索余序于是吟咏之聲又復大作天籟人籟合同而化不圖觀瀑之娛一至于斯亭之功大矣坐久日落不得已下山宿帶玉堂正對南山雲樹蓊鬱中隔長江風帆往來妙無一人肯泊岸來此寺者僧告余曰峽江寺俗名飛來寺余笑曰寺何能飛惟他日余之魂夢或飛來耳僧曰無微不信公愛之何不記之余曰諾已遂述數行一以自存一以與僧

遊桂林諸山記

凡山離城輒遠。惟桂林諸山離城獨近。余寓太守署中。晡食後。卽于于焉而遊。先登獨秀峰。歷三百六級。詣其巔。一城烟火如繪。北下至風洞。望七星巖如七竍。龜團伏地上。次日過普陀。到棲霞寺。山萬仞。壁立旁有洞。道人乘火導入。初尙明。已而沉黑。窅渺以石爲天。以沙爲地。以深壑爲池。以懸崖爲幔。以石脚插地爲柱。以橫石牽挂爲棟梁。未入時。土人先以八十餘色目列單見示。如獅。駝。龍。象。魚。網。僧。磬。之屬。雖附會亦頗有因。至東方亮。則洞盡可出矣。計行二里許。俾畫作夜。倘持火者不繼。或堵洞口。則遊者如三良殉穆公之墓。永陷坎窞中。

非再開闢不見白日吁其危哉所云亮處者望東首正  
白開門趨往捫之竟是絕壁方知日光從西罅穿入反  
映壁上作亮非門也世有自謂明于理行乎義而終身  
面牆者率類是矣次日往南薰亭隄柳陰翳山淡遠縈  
繞改險爲平別爲一格又次日遊木龍洞洞甚狹無火  
不能入垂石乳如蓮房半爛又似鬱肉漏脯離離可摘  
疑人有心腹腎腸山亦如之再至劉仙巖登閣望闕雞  
山兩翅展奮但欠啼耳腰有洞空透如一輪明月大抵  
桂林之山多穴多竅多聳拔多劍穿蟲啣前無來龍後  
無去蹤突然而起戛然而止西南無朋東北喪偶較他  
處山尤奇余從東粵來過陽朔所見山業已應接不暇

卓者複者豐者殺者揖讓者角鬪者綿延者斬絕者雖  
奇鶴九首糴疏一角不足喻其多且怪也得母西粵所  
產人物亦皆孤峭自喜獨成一家者乎記歲丙辰余在  
金中丞署中偶一出遊其時年少不省山水之樂今隔  
五十年而重來一印一壑動生感慨矧諸山之可喜可  
愕哉慮其忘故咏以詩慮未詳故又足以記



遊端州寶月臺記

亭館之宜避暑易避暑難大概氣疏以達少日而多風爲避暑之最也端州北門外有寶月臺夷庭高基梁長九丈餘六古榕樹東西遮蔭北望曠如荷萬頃搖風送香遠望七星巖如竹林客差肩而坐余雖好遊得此于他處甚寡且喜離府署近常攜筆視避暑其間高要令楊蘭坡知余之好之也時時招客泊具爲老人歡六月朔自臺醉歸天大風次日水暴至城不沒者三版臺爲巨浸矣嘻家弟守端州三年未嘗一詣臺所自余遊焉而臺名大噪四方之屢畢至又未半月河伯亦慕而奪焉名之不可久居也如是夫然臺不余約而余來余不

楊約而楊公來余與楊公俱不水約而水又來名勝之  
隱晦人事之變遷居處之久暫人耶天耶若可知若不  
可知雖水退後臺將自出而余則齒衰路遙不可以久  
留矣明年避暑時余之不能忘情于臺與楊公猶臺與  
楊公之不能忘情于余也爲文以記之使明府高義此  
邦陳迹常留存于人間而不隨水爲滅沒云

遊武夷山記

凡人陸行則勞水行則逸然山遊者往往多陸而少水惟武夷兩山夾溪一小舟橫曳而上溪河湍激助作聲響客或坐或臥或偃仰惟意所適而奇景盡獲洵遊山者之最也余宿武夷宮下曼亭峯登舟語引路者曰此山有九曲名倘過一曲汝必告予是一曲而至王女峯三峯比肩舉如也二曲而至鐵城障長屏遮迤翰音難登三曲而至虹橋岩穴中度柱棋百千橫斜參差不腐朽亦不傾落四五曲而至文公書院六曲而至晒布厓厓狀斬絕如用倚天劍截石爲城壁立成削勢逸不可止竊笑人逞勢天必天闕之惟山則縱其橫行直刺凌

逼。莽。蒼。而。天。不。怒。何。耶。七。曲。而。至。天。游。山。愈。高。徑。愈。仄。  
竹。樹。愈。密。一。樓。憑。空。起。衆。山。在。下。如。張。周。官。王。會。畝。八。  
荒。蹲。伏。又。如。禹。鑄。九。鼎。罔。象。夔。魼。軒。豁。呈。形。是。夕。月。大。  
明。三。更。風。起。萬。怪。騰。蹕。如。欲。上。樓。揭。煉。師。能。詩。與。談。燭。  
跋。旋。卽。就。眠。一。夜。魂。營。營。然。猶。與。烟。雲。往。來。次。早。至。小。  
桃。源。伏。虎。岩。是。武。夷。之。八。曲。也。聞。九。曲。無。甚。奇。勝。遂。卽。  
自。厓。而。返。嘻。余。學。古。文。者。也。以。文。論。山。武。夷。無。直。筆。故。  
曲。無。平。筆。故。峭。無。複。筆。故。新。無。散。筆。故。適。緊。不。必。引。靈。  
仙。荒。渺。之。事。爲。山。稱。說。而。卽。其。超。雋。之。槩。自。在。兩。戒。外。  
別。監。一。幟。余。自。念。老。且。衰。勢。不。能。他。有。所。往。得。到。此。山。  
請。嘆。觀。止。而。日。論。者。猶。道。余。康。強。勸。作。崆。峒。峩。巖。想。則。

不。知。王。公。貴。人。不。過。蠟。拳。石。濬。盈。畝。池。尚。不。得。朝。夕。玩。  
遊。而。余。以。一。匹。夫。髮。種。種。矣。遊。遍。東。南。山。川。尚。何。不。足。  
于。懷。哉。援。筆。記。之。自。幸。其。遊。亦。以。自。止。其。遊。也。

祭孔南溪方伯文

嗚呼同年者四海九州之人耳何君與余之獨親既乍見以欣然情彌久而彌真苟逾時之契濶必執訊之殷勤上堂輒攬其衣裾入座必鏤其車輪儼從不知其故賓朋莫探其因謂兩人之名位相同耶乃一則顯而一則藏也謂兩人之情性相合耶又一則獨而一則狂也然則胡爲固結而不可解耶亦各指心而口不能詳也憶君之初來爲江城之司馬偶承顏以接詞便懔然而意下降夫人之魚軒迎諸郎之偏駕隴公妻子不知主賓祖約深談屢忘晨夜已而揚州領郡蘇州專城再遷轉運再司祥刑以周昌之強直兼伯夷之孤清上游無

謹諉之事僚屬斷聽請之情惟余飛一詞以相抵則儼然桐魚之扣而石鼓爲之應聲其性夷姑其心淡泊笑比河清政如霜肅不寵人以片言不受人之半菽惟余之清詞曼句則時時雜誦而當作笙簫雖余之廢札頽箋亦必急急潢治而寶如珠玉偶來秣陵衙叅大府王事敦迫未詣我所亡何書來陳謝千語謂子見責胸中有吾若竟翹然視吾如無請將歉懷爰告僕夫庶幾見諒待吾如初嗚呼一鄙人何足爲君輕重而竟若是之罪罪乎客歲之秋天子命公屏藩江左老幼呼曰正人來矣民其帖安余亦喜曰彼君子兮此來爲我誰知未稔遽爾懸車君恩愈深臣力愈差神雖存而形骸

靈未至而凶嗟。值我病牀。未能走送。君來訣別。登床號  
慟。雖四奴之扶顛。猶雙趺之怯重。果白首之恩知付黃  
壚之一夢。嗚呼傷哉。人生局促。逝者如斯。溘然化盡。賢  
聖何辭。情依依而宛在。魂迢迢以何之。我差君兮三歲  
知。後死兮幾時折。疏麻兮遙奠。特覲縷以陳詞。不然我  
兩人之風義。將千秋其誰知。哀哉尚享。



祭李竹溪文

嗚呼。竹溪。竟先我死。我失良朋。世喪君子。旣搏我膺。更  
僂我指。海內之交。如君有幾。昔舉京兆。榜下散矣。雖同  
師門。一揖而已。後二十年。君宰上元。蒙來相訪。澁于語  
言。如玉在璞。其光勿宣。心猶遲疑。未審君賢。及觀君政。  
漸見本原。勞不言勤。清不言貧。無須咎吏。吏不爲姦。不  
夸愛民。民情歡便。交君旣久。敬君彌篤。毅而能擾。剛而  
勿黷。先施忘報。有諾不宿。辭隆就窳。風神落莫。余雖山  
居。惟君是適。誤君官衙。是我書室。茶呼兒烹。酒喚嫂設。  
君但倏然笑言。吃吃君畢。王事亦諧。我家壽或拜母。閒  
或玩花詩。謀一字書。借五車嬰。妃稚女呼君爲爺。奴婢

驚。詢。官。耶。客。耶。君。丁。外。艱。貧。不。能。去。余。典。裘。裳。悉。力。相。  
助。旁。觀。嘖。嘖。此。叟。非。豪。如。何。楊。朱。肯。拔。一。毛。我。但。匿。笑。  
難。語。爾。曹。推。遷。評。事。得。拜。殿。上。帝。知。老。吏。命。陳。忠。  
讜。君。奏。民。隱。如。指。諸。掌。未。盡。臣。言。已。聞。天。獎。遂。擢。不。  
次。惠州。黃。堂。嶺。南。一。過。金。銀。爲。牆。豈。知。君。心。淡。如。雪。霜。  
萬。車。圍。轉。一。輪。獨。方。如。何。能。行。宜。斷。厥。鞅。微。罪。歸。來。廉。  
泉。滿。口。對。余。大。笑。未。辱。君。友。余。亦。稱。賀。還。我。故。人。且。住。  
隨。園。痛。飲。十。旬。臨。行。訣。別。流。涕。覆。面。各。指。頭。顱。無。幾。相。  
見。果。然。信。至。元。晏。病。風。細。玩。手。書。點。畫。猶。工。雖。枯。半。體。  
不。廢。兩。肱。可。憐。膠。漆。難。通。鱗。鴻。白。門。河。間。雲。山。萬。重。君。  
接。我。書。如。獲。珍。怪。潢。治。收。藏。維。誦。必。再。我。接。君。書。喜。極。

而拜所拜者天留君尙在今年四月耶君寄訃述君遺  
言命余志墓嗚呼竹溪竟返真矣而我僇然尙爲人矣  
追思疇昔隔兩塵矣如日之夕難再晨矣且喜頽侵逾  
七旬矣與世漸疎與君親矣有芻一束有文一道遠寄  
耶君必祭必告哀哉尙享